



**BASES:**

**V GALA DO DEPORTE**

**CONCELLO DE GONDOMAR 2020**



**DEPUTACIÓN  
PONTEVEDRA**

**CONCELLARIA DE  
DEPORTES  
GONDOMAR**



## BASES REGULADORAS DOS PREMIOS DA V GALA DO DEPORTE CONCELLO DE GONDOMAR 2020

Co obxecto de impulsar e pór en valor o labor deportivo que desenvolven as persoas, organismos, institucións e entidades públicas e privadas do noso municipio, que dalgún xeito contribuíron de forma notoria a impulsar e difundir a práctica deportiva na nosa localidade, celebramos esta V Gala do Deporte de Gondomar 2020, en esta convocatoria valoraranse os méritos deportivos do ano 2019.

Esta iniciativa pretende reunir, na que será a súa cuarta edición, a todas as persoas e institucións relacionadas co deporte da nosa vila e compartir con todos/as un gran día de festa e celebración. Polo tanto, dende o Concello de Gondomar, convocamos estes premios dirixidos ós deportistas e ás persoas relacionadas co mundo do deporte gondomareño, que contan cunha traxectoria deportiva relevante, tratando de resaltar o labor deportivo e o traballo realizado por todos aqueles que, dalgún xeito fan do deporte o motor das súas vidas.

Os diferentes premios so poden optar as persoas físicas, clubs deportivos e entidades do municipio que cumpran cos requisitos establecidos, para cada unha das modalidades distinguidas e que figuran nas bases desta convocatoria.

As candidaturas que opten ós premios poderán ser presentadas por calquera persoa física, entidade deportiva local, club ou asociación, así como a proposta do xurado ou Concellaría de Deportes.

Nesta convocatoria, realizada polo Departamento de Deportes do Concello de Gondomar, valoraranse os méritos realizados durante o ano deportivo 2019.





## BASES DA CONVOCATORIA

### ARTIGO 1 OBXECTO

O obxectivo principal destes premios é recoñecer publicamente o esforzo, a dedicación, a entrega e, en definitiva, os valores inherentes ó deporte, e que estes valores sirvan de espello para incentivar os mais pequenos e a poboación en xeral para a práctica do deporte.

O obxectivo da presente convocatoria é a concesión dos premios deportivos que se outorgarán na "V Gala do Deporte de Gondomar" nas categorías que figuran a continuación:

- PREMIO Ó MELLOR DEPORTISTA MASCULINO.
- PREMIO Á MELLOR DEPORTISTA FEMININA.
- PREMIO Ó MELLOR DEPORTISTA REVELACIÓN MASCULINO.
- PREMIO Á MELLOR DEPORTISTA REVELACIÓN FEMININA.
- PREMIO O MELLOR CLUB OU ENTIDADE DEPORTIVA.
- PREMIO Ó PATROCINIO E COLABORACIÓN CO DEPORTE.
- PREMIO Á TRAXECTORIA DEPORTIVA.
- PREMIO Ó MELLOR EVENTO DO ANO.
- PREMIO ÓS VALORES HUMANOS (MENCIONS ESPECIAIS)

### ARTIGO 2.- CANDIDATOS/AS

#### **2.1 Premio, ao MELLOR DEPORTISTA MASCULINO E FEMININO.**

Poderán presentarse á convocatoria desta categoría todos aqueles/as deportistas do noso municipio (naturais, empadroados/as ou que leven desenvolvendo a súa traxectoria deportiva con un mínimo de dous anos nos clubs de Gondomar) e que practiquen a súa disciplina deportiva en Gondomar ou noutras localidades.





Poderán concorrer á presente convocatoria aqueles/as deportistas que a título individual destacasen polo seus logros, éxitos, triunfos deportivos ou por méritos que o xurado considere que os fan acredores ao galardón.

Nesta categoría concorrerán só deportistas maiores de 18 anos ou participantes en categoría sénior.

## **2.2 Premio, ao MELLOR DEPORTISTA REVELACIÓN MASCULINO E FEMININO.**

Poderán presentarse á convocatoria desta categoría todos aqueles/as deportistas do noso municipio (naturais, empadroados/as ou que leven desenvolvendo a súa traxectoria deportiva con un mínimo de dous anos nos clubs de Gondomar) e que practiquen a súa disciplina deportiva en Gondomar ou noutras localidades.

Poderán concorrer á presente convocatoria aqueles/as deportistas que a título individual destacasen polo seus logros, éxitos, triunfos deportivos ou por méritos que o xurado considere que os fan acredores ao galardón.

Nesta categoría concorrerán só deportistas menores de 18 anos ou participantes en categoría inferior á sénior.

## **2.3 Premio, ao MELLOR CLUB OU ENTIDADE DEPORTIVA.**

Nesta categoría valoraranse aqueles CLUBS OU ENTIDADES DEPORTIVAS que cumpran as seguintes condicións:

- a) Que desenvolvan o seu labor deportivo no municipio e que estean legalmente constituídos e inscritos no Rexistro de Entidades do Concello de Gondomar.
- b) Que realizen actividades de competición, promoción ou divulgación deportiva.
- c) Que destacara o longo da súa traxectoria non só polos seus méritos deportivos, senón tamén polas súas capacidades e dotes organizativas de eventos.





## 2.4 Premio, ao PATROCINIO E COLABORACIÓN CO DEPORTE

Nesta categoría valoraranse aquelas entidades privadas que estean legalmente constituídas e, que teñan destacado polo seu apoio e colaboración co deporte local, así como pola organización de eventos deportivos.

Tódolos clubs e entidades deportivas nomearán ata un máximo de tres entidades que colaboren e patrocinen os seus eventos deportivos. O xurado escollerá de entre os candidatos, as tres entidades nomeadas para o premio definitivo.

## 2.5 Premio, á TRAXECTORIA DEPORTIVA

Nesta categoría valorarase a aqueles/as deportista de Gondomar que pola súa entrega, dedicación e pola exemplaridade da súa traxectoria deportiva realzaran ao deporte gondomareño no noso municipio ou máis alá do mesmo.

## 2.6 Premio, ao MELLOR EVENTO DO ANO

Nesta categoría valorarase aquel evento organizado no noso municipio, organizado ou non por entidades deportivas do mesmo. Que realizen actividades de competición, promoción, divulgación deportiva e de lecer, que realzase o deporte gondomareño no noso municipio ou máis alá do mesmo.

## ARTIGO 3.- MENCIÓNS ESPECIAIS

O xurado, poderá outorgar mencións especiais para unha persoa ou entidade que aínda non sendo deportistas, destacara pola defensa dos valores humanos no deporte, relacionado co mundo do deporte de Gondomar ; nalgún club ou que sempre promocioe ou promocionase Gondomar por medio do deporte.







#### **ARTIGO 4.- CANDIDATURAS**

Calquera club, cidadán/á, institución ou asociación, poderán así mesmo propoñer de un a tres candidatos/as como máximo, (segundo criterio da Concellaría de Deportes), para que sexa recoñecido/da o seu labor, sexa pola súa traxectoria deportiva, directiva, ou polo seu apoio ó deporte en xeral desde calquera ámbito de actuación, sempre que cumpra as condicións establecidas nas Bases desta convocatoria e que reúnan os méritos ou requisitos suficientes para concorrer ó premio.

Así mesmo, o xurado poderá propoñer candidatos en cada unha das categorías descritas nas presentes Bases, así como crear novas categorías ou mencións.

#### **ARTIGO 5.- XURADO**

O xurado encargarse da selección dos gañadores nas distintas categorías en base ás propostas recibidas, e estará nomeado e presidido polo Alcalde Presidente do Concello de Gondomar, mediante resolución ao efecto.

**A decisión do xurado será inapelable.**

O xurado poderá declarar deserto un premio se as persoas ou entidades propostas, non acadasen, ó seu xuízo, o nivel deportivo suficiente.

#### **ARTIGO 6.- CALENDARIO.**

**Reunión con tódolos clubs, institucións, asociacións ou deporte individual:** xoves día 10 de xaneiro de 2020 ás: 20:00 horas, no Centro Neural, (edificio Policía Local).

**Fase de recepción de candidaturas:** Dende o 20 de xaneiro, ata o 29 de febreiro de 2020, presentadas no Rexistro Municipal do Concello ou polos medios legalmente establecidos.





**Fase de reunión do xurado:** O 5 de marzo de 2020 ás 19:00 h., no Concello de Gondomar.

**Aviso moi importante:** En canto se publiquen os nomeados de esta Gala, os clubs deportivos, entidades relacionadas co deporte ou deporte individual, deixarán o antes posible o material fotográfico ou audiovisual necesario para este evento, (último día de entrega o 20 de marzo). En OLLOMOL AUDIOVISUAL, Rúa, Rosalía de Castro, 4º baixo, Gondomar, tlf-886124356.

**Celebración da Gala do Deporte:** O día 4 de abril de 2020, ás 20:00 horas no Pavillón Municipal, Bernabé Costas De Miranda.





## FICHA DE NOMEAMENTO V GALA DO DEPORTE

NOME DO NOMEADO/A.- \_\_\_\_\_

LUGAR/DATA DE NACEMENTO.- \_\_\_\_\_

DISCIPLINA DEPORTIVA.- \_\_\_\_\_

CLUB AO QUE PERTENCE.- \_\_\_\_\_

### NOMEADO/A:

	MELLOR DEPORTISTA MASCULINO/FEMININO
	MELLOR DEPORTISTA REVELACIÓN MASCULINO/FEMININO
	MELLOR CLUB OU ENTIDADE DEPORTIVA
ENTIDADES PATROCINADORAS ATA UN MÁXIMO DE TRES:	PATROCINIO E COLABORACIÓN CO DEPORTE
*	
*	
*	
	TRAXECTORIA DEPORTIVA
	MELLOR EVENTO DO ANO

ADXUNTAR CURRÍCULO, MÉRITOS DEPORTIVOS, FOTOS QUE ACREDITEN EN DIFERENTES COMPETICIÓNS, ETC:

DATOS ENTIDADE QUE PRESENTA A PROPOSTA.- \_\_\_\_\_

NOME E APELIDOS.- \_\_\_\_\_

CIF/NIF.- \_\_\_\_\_

E-MAIL.- \_\_\_\_\_ TLF.- \_\_\_\_\_

Certifica que os datos incluídos nos méritos, currículo son totalmente certos.

Gondomar, a \_\_\_\_\_ de \_\_\_\_\_ de 2020







## AUTORIZACIÓN DE USO DE DATOS V GALA DO DEPORTE

ACTIVIDADE DEPORTIVA:

Nome e apelidos do/a deportista:

Enderezo do/a deportista:

Pai/nai/titor/ra (cubrir só en caso de que o/a deportista sexa menor de idade)

Nome e apelidos:

NIF:

En calidade de:

<input type="text"/>	<input type="text"/>
----------------------	----------------------

En relación coa achega por parte da entidade propoñente, das reportaxes fotográficas ou audiovisuais dos/as deportistas nomeados para a súa exposición na V GALA DO DEPORTE DO CONCELLO DE GONDOMAR, a celebrar o día de abril de 2020, no Auditorio Municipal Lois Tobío, autorizo ao Concello de Gondomar a que poida expoñer fotografías e outros datos ao longo do desenvolvemento da citada Gala do Deporte, así como nas publicacións que sobre esta se realicen.

Gondomar, a de de 2020

Asdo.- \_\_\_\_\_

